



Broj predmeta: 13-002466/21
Broj akta: 01.1-1413EK-0027/22
Datum, 14.3.2022.. godine
Mjesto, Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH», broj: 22/18 -- prečišćen tekst, 49/18, 08/19, 10/19 i 32/19) i čl. 70 stav (4) Zakona o javnim nabavkama („Službeni glasnik BiH broj: 39/14), a u skladu s članom 69. stav (2) tačka e) Zakona o javnim nabavkama («Službeni glasnik BiH», broj: 39/14) i Zapisnika o pregledu i ocjeni ponuda BiH broj: 13-002466/21 od 28.2.2022. godine, gradonačelnik Brčko distrikta BiH
d o n o s i

ODLUKU O PONIŠTENJU POSTUPKA JAVNE NABAVKE

Član 1

Poništava se otvoreni postupak nabavke za lotove 3, 4 i 6 iz provedenog postupka za nabavku namještaja za potrebe Vlade i institucija Brčko distrikta BiH – lotovi 1-9, koji je pokrenut na osnovu Odluke o pokretanju postupka javne nabavke broj: 13-002466/21 od 25.11.2021. godine, Obavještenja o nabavci na portalu javnih nabavki broj: 1157-1-1-668-3-635/21 od 13.12.2021. godine, specifikaciji robe u vezi sa Tenderskom dokumentacijom broj: 13-002466/ 21, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka Zakona o javnim nabavkama predstavlja osnov za poništenje postupka javne nabavke.

Obrazloženje

Komisija za nabavke je nakon izvršenog otvaranja ponuda konstatovala da je dostavljeno sedam ponuda, sljedećih ponuđača: „Akacija” d.o.o. Brčko, „Hafele BH” d.o.o. Gračanica, „Inter Com” d.o.o. Zenica, „R&S” d.o.o. Sarajevo, „Masterwood Simić” d.o.o. Brčko, „Dineco” d.o.o. Trebinje i „Larix” d.o.o. Doboј. Sastavni dio odluke čini zapisnik sa otvaranja ponuda, zapisnik o izvršenoj analizi dostavljenih ponuda i izvještaj o toku i završetku e-aukcije.

Komisija je izvršila analizu dostavljenih ponuda u pogledu prihvatljivosti prema obliku, sadržaju i potpunosti, te u pogledu načina pripreme i dostave ponuda i ustanovila da su ponude prihvatljive.

Ponuđači su ocijenjeni kvalifikovanim i ponude prihvatljivim jer su bile sačinjene u skladu sa tehničkom specifikacijom. Nije bilo računskih greški u dostavljenim ponudama. Komisija je prije provedene e-aukcije razmotrila najpovoljnije ponude sa aspekta mogućnosti da se radi o neprirodno niskoj cijeni ponude te je ustanovila postojanje elemenata niske cijene u ponudi ponuđača „Hafele BH” doo, Gračanica na lotu 1 i u ponudi ponuđača „Inter – Com” doo Zenica na lotovima 3, 4, 6, 7 i 8. Od ponuđača je traženo pojašnjenje niske cijene za navedene lotove. Ponuđač je dostavio traženo pojašnjenje za lot 7 i lot 8 koje je komisija prihvatila. Za lotove 3, 4 i 6 ponuđač se izjasnio da odustaju od navedenih lotova. Za lotove 3, 4 i 6 nije zakazan e –aukcija jer je na ovim lotovima samo jedna ponuda ocijenjena kao prihvatljiva. Iznos najpovoljnijih ponuda za lotove 3, 4, 6 i 7 nije u okviru procijenjene vrijednosti nabavke. Od Odjeljenja za obrazovanje je za lotove 3, 4 i 6 zahtijevano da se izjasne da li su u mogućnosti obezbijediti dodatna sredstva za realizaciju ove nabavke, a od Odjeljenja za stručne i administrativne poslove je isto traženo za lot 7. Odjeljenje za obrazovanje je odgovorilo da nema dovoljno raspoloživih sredstava za realizaciju gore navedenih lotova.

Odjeljenje za stručne i administrativne poslove je odgovorilo da će nedostajuća sredstva pokušati obezbijediti kroz naredni rebalans budžeta, te se za lot 7 dati preporuka nakon dobijanja konačne informacije o sredstvima.

Komisija za nabavke je dostavila preporuku o poništenju postupka nabavke za lotove 3,4 i 6.

POUKA O PRAVNOM LIJEKU:

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

DOSTAVLJENO:

1. Pododjelu za javne nabavke,
2. Odjeljenju za obrazovanje,
3. Gradonačelniku,
4. Službenom glasniku Brčko distrikta BiH*
5. Arhivi.

